




فاتح سلطان محمد خان و مخدوم عالی لری سلطان بایزید ولی  
حضراتنک مصر شاهانه لری شاعره لرندن زینب خانمک

غزل بلیغانه لری [۱]

غزل

کشف ایت نقابکی یری کوکی منور ایت  
بو عالم عناصری فردوس انور ایت  
دبرت لبوکی جوشه کتور حوض کوثری  
غیر صاچوکی چوز بوجهانی معطر ایت  
خطک برات یازدی صباه دیدی که تیز  
وار ملک خطا ایله چینی مسخر ایت  
آب حیات اولما یحقی قسمت ای کوکل  
بیک ییل کرکسه خضر ایله سیر سکندر ایت  
(زینب) قومیلی زینت دنیا یه زن کبی  
مردانه واری ساده دل اول ترک زیور ایت



مشاهیر شاعرات نسواندن دیار بکرلی سری خانمک تخیسی

ماه جینه هاله زلفک مدور ایت  
بر بدر نوظهوری بزه هاله پرور ایت  
ارباب عشقه جلوه دیگر مکرر ایت  
کشف ایت نقابکی یری کوکی منور ایت  
بو عالم عناصری فردوس انور ایت

[۱] شاعره زینب خانمک قانونی سلطان سلیمان خان حضرتلرینک مصور  
مشهوری اوزون هئان طرفندن نقش اولنان تصویرلی ملت کتبخانه سنده موجوددر.

فكر وخیالم صبح و مسا بویله اکثری  
ایسترکه اولسون شفقتك ای شوخ مظهری  
گفتار ولعلك زنده ایدر مرده دیلاری  
دبرت لبوکی جوشه کتور حوض کوثری  
غیر صاچوکی جوز بوجهانی معطر ایت  
آماج اولورکن سینه لری ای خدنگی تیز  
قانلر یودارکن عاشقك ای خشمی رستخیز  
غمزه ك قوپاردی آخری بیک جنك و بیک ستیز  
خطك برات یازدی صباه دیدی که تیز  
وار ملکیت خطا ایله چینی مسخر ایت  
اول ساکن فرحکده راحت ای کوکل  
چکمه جفائی سیررد ظلمت ای کوکل  
خضر اولسه وارمی فائده هم صحبت کوکل  
آب حیات اولما یحق قسمت ای کوکل  
بیک پیل کرکسه خضر ایله سیرسکندر ایت  
زلفك صارلدی بوینمه جانارسن کبی  
بشیمنه ایچره قالدیم او یس القرن کبی  
(سری) تعلق ایتمه جهانه زغن کبی [۱]  
(زینب) قوملی زینب دنیایه زن کبی  
مردانه واری سادہ دل اول ترک زیور ایت



شاعره مشهوره لیلا خانمك بو ظریف نشیده سی بوندن الی،

[۱] راحله سری خانم ۱۲۹۴ سنه سنده درسعادتده وفات ایتمشدر .

بویوک همشیره لری خدیجه عفت خانم دخی صاحبه دیوان شاعره در . بعض

آثاری کله جك آی دن اعتباراً مجموعه مزه یازیلله جبار .